

DISPVATIO.

De varijs Scripturarum sensibus, Anno millesimo quingentesimo septuagesimo, in Inclÿta, & Catholica Academia Ingolstadiana publicè proposita.

2. COR. 3.

Idoneos nos fecit ministros noui Test. non literæ, sed Spiritus; Litera enim occidit, Spiritus autem viuificat.

AD GALATAS 4.

Scriptum est, quoniam Abraham duos filios habuit: vnum de ancilla, & vnum de libera: Sed qui de ancilla, secundum carnem natus est: qui autem de libera, per repromissionem, quæ sunt per allegoriam dicta.

CHRISTO DVCE

*Discutientur proximo die Lunæ.*

Ex Officina VVeissenhorniana.

ANNO M. D. LXX.

## De varijs Scripturarum sensibus.

### *Thesis I.*

**V**T omnem ambigendi occasione præcidentes, ab institutæ disputationis inscriptione exordium ducamus, sensus nomine non internam, externamue ullam animæ uim, uti sæpe usu uenit, hoc loco cōplectimur, sed id, quod uoce, sententia, aut oratione cuiuspiā externo sensu percepta, mente concipimus.

### *II.*

Qui e quidem sensus generatim, ac pro instituti nostri ratione, (nam uulgatas sensus distributiones hic persequi non attinet) bipartito diuidi solet: in *Literalem* uidelicet, & *mythicum* seu *Spiritalem*.

### *III.*

*Literalem* Scripturæ sensum cum nonnulli definiunt, qui tropis, & schematis omnibus, quibus ea nusquā non abundat maxime, accuratè discussis, riteq; intellectis, ex propria, aut translatis uerborum significatione legitime cōsurgit: alij, quem prudens rerum æstimator, ut cuiusmodi est, ex rerū notis, dum proponuntur, aptè colligit: nobis uerò cum sensum *literalem* appellare placet, quem *Spiritus sanctus* per uoces proximè, uel remotè intendit.

### *IIII.*

Vnde manifestus eorum est error, qui non solum in metaphoricis, & parabolicis, uerum etiam quouis alio in loco,

co, si quid figuratè dictum, scriptumue compererint, duos statim sensus confingunt: unum, quem uerba ἀκματισμένης, & planè accepta designant, quem literalem ipsi uocant: alterum, quem figuratè sumpta denotant, quem tropicum appellant.

#### V.

Etenim priorem illum sensum literalem appellare, est in clara, & aperta luce caligare turpiter. Nec enim uerè id sensus dicti potest, quod is qui loquitur, uel scribit, uerbis, quibus utitur, non uult indicare: qui uerò ἀναγορίκῳ, aut ὑπερβολικῳ, aut μεταφορικῳ scribit, aut loquitur, quiduis potius indicatū uult, quam quod ipsa per se uerba proximè, hoc est, simpliciter, & sine schemate usurpata sonant.

#### VI.

Quamobrem fido ac integro Sacrarum literarum interpreti, iterum atq; iterum dispendendum est, simpliciter ne aliquid dictum, scriptumue sit, an figuratè. Nam si qua schemata, uel tropi in litera latitant, ex ijs præsertim, qui legitimum sensum turbant uehementius, ut sunt allegoria, hyperbole, metaphora, synecdoche, ironia &c. fieri nequit, ut ullum prius uerum, & legitimum sensum constituat, quam diligenti meditatione adhibita, omnes eiusmodi tropos seorsum discutiat, expendatq;.

#### VII.

Esse autem eum sensum literalem, & quidem solum literalem, quem uerba Scripturæ figuratè, hoc est, improprie, et translative accepta, demonstrat, ut cætera, quibus probari

Id solet, desint, ex solis propbanis literis, ostendi potest. Nam cum hic permulta passim figuratè scripta cōperiantur, quæ nos etiam figuratè interpretamur: cumq; eiusmodi interpretationem literalem uocandam esse eruditi omnes sentiāt, cur non eodem iure, si quid figuratè editum extat in testamentarijs scripturis, id quod nobis eæ Scripturæ figuratè acceptæ significant, ad literalem sensum referre licebit?

#### VIII.

Sunt qui sensum literalem in historicum, ætiologicum, et analogicum partiantur, eiusq; partitionis D. Augustinum autorem se habere opinentur, sed id falso: Nam D. Augustinus non literalem sorsum, sed Scripturarum sensum uniuersè, in historicum, ætiologicum, analogicum, & allegoricum secat, quamuis ne hoc quidem satis exactè. Historia namq; ætiologia, & analogia, non tres, sed unū duntaxat sensum constituunt, ut quæ hoc tantum inter se discrepent, quod historia rem factam solum explicet, ætiologia facti rationem reddat, analogia, quæ pugnare uidebantur, inter se conciliet.

#### IX.

Omnibus itaq; numeris absolutus diuinariū literarum interpretes, præter historici cognitionem, ætiologiam quoq; & analogiam teneat, hoc est, sensus in diuinis literis ita exercitatos habeat, ut uarios Scripturæ locos inter se componere, eorumq; quæ uel dicta, uel facta narrantur, cū opus fuerit, ratione possit reddere: Ex ætiologia aut, & analogia, si cubi occurrant, nouos literæ sensus ne cōfingat: sed si quid potest ad historiam: sin autem ad literam referat. Nec enim

entim duo hæc sunt idem prorsus, tametsi quidam hoc pro illo interdum usurpent.

X.

Etenim ubi nullum dictum, aut factum, dictiue aut facti ratio, aut ~~wis~~isagogia explicatur: ibi profecto nullus historie relinquitur locus, sensum autem historicum, sine historia cōstituere uelle, est à rectæ rationis magisterio manifestè discedere. Atqui nō pauca Scripturæ loca narratione uacant: ecquid enim narrant psalmi, dum Dei potentiam, misericordiam, ueritatem, uel iusticiam extollunt? quid Paulus, dum Scripturarum interpretem agit? quid legis tabulæ? quid alia id genus sexcenta, quæ tamen omnia sensu literali non carent?

XI.

Dicent forte, qui promiscuè utrunq; usurpant, se non omnem sensum literalem, historicum appellare, sed cum tantum, qui spiritali ex aduerso opponitur: Spiritalem autem in ijs duntaxat locis reperiri, qui factum aliquod narrant. Atqui hoc admissò, ad huc se tueri non possunt, qui omnem omnino sensum literalem, historicum uocant, cum certum sit hunc illo limitibus multo angustioribus contineri.

XII.

Sed & illa quoq; quæ non narrantur gesta, mysticum interdum sensum admittunt: ut illud: Ego ero illi in patrem, & ille mihi erit in filium. Et cōtra quedā in Scripturis gesta narrantur, quæ tamen mysticmn sensum non

recipiunt. Ecquod enim mysterium proditur, dum *Apo-*  
*stolus* exponit *Troade* se pennulam, & nescio, quas mem-  
branas reliquisse? *Alexandrum* *Serarium* multa si-  
di mala intentasse? in prima sua defensione nullum patro-  
num habuisse? & alia id genus similia?

### XIII.

Illud sane non inturia multo magis miraberis, unū eun-  
demq; *Scripturæ* locum, plures nonnunquā literales sensus  
admittere: siue ex eo id proueniat, q; *Deus* Opt: Max:  
qui una simplici, ac indermutabili noticia omnia simul com-  
plectitur, *Scripturam* dictans, una eademq; oratione, ea  
omnia uoluerit significare, quæ uerè, utiliter, & *Scriptu-*  
*rarū* fini consentaneè sapientes inde colligere posse anim-  
aduertebat: siue ex natua ipsius *Scripturæ* fecunditate:  
siue ex quocunq; alio fonte id profecturum.

### XIII.

Erit autem literalis *Scripturæ* sensus, tum demū certus,  
& exploratus, si per se omnino fuerit perspicuus, uel ab  
*Ecclesia*, super ea re congregata, constitutus. Nec enim  
minus tribuendum est *Ecclesiæ* in *Scripturarum* inter-  
pretatione, quàm in earundem approbatione & cano-  
nizatione.

### XV.

Vnde ut nefarium esset, post *Ecclesiæ* definitionē *D.*  
*Ioannis* *Euangelium*, uel alterius cuiusuis *Prophetæ*, uel  
*Euangelistæ* scriptū, ueluti dubium repudiare, ita ingenti  
quoq; cum scelere contumeliū foret, sensum, quem illa tanq̃  
germanū, & catholicū in *Concilio* exposuisset, aliorum  
detorquere, uel omnino nō admittere. Quod

## XVI.

Quod si quando Ecclesia, uel Synodus Occumenicā, uniuersalē Ecclesiam repræsentans, rationibus, uel autoritatibus non admodum grauibz, uel momentosis decreta sua confirmat, nō propterea, aut illius autoritas, aut istorum firmitas labefactatur: siquidem Conciliorum sanctiones non ideo recipimus, quod grauibz, uel euidentibus rationibus, uel autoritatibus munitæ in lucem procedunt: sed quia non alium, quā S. Sanctum autorem habere cognoscuntur.

## XVII.

Itaq; Concilium Occumenicum, uel Pontificē Maximum aliquem Scripturæ locū in hoc, uel illo sensu usurpasse, uel ad quodcunq; fidei dogma confirmandum allegasse, id fidei uim, atq; firmitudinem nequaquam semper obtinet, aut Christi sacris imbutum, ut absq; mora, et dubitatione id amplectatur obligat: Quamuis etiam ab eo, quod sic uno quasi aspectu, atq; obiter expositum est, non temere recedit debeat: Verum tum demum Synodi interpretatio legis uim tenet, cum ea de causa conuenit, ut de dubio loci alicuius sensu certi aliquid statuatur.

## XVIII.

Cæterum dū inter plures eiusdē loci sensus ambigitur, sinibil se offert, cur hūc magis admittere expediat, quā illum, cum cæteris anteferas, nō qui plures pro se autores habet, præsertim xxviii. 10. 11. sed qui cū præcedētibz, et cōsequētibus, alijsq; Scripturæ locis magis cōsentit, quibz ad Græcum, uel Hebræum contextū propius accedit: Nec enim

enim parum lucis obscuris locis adferre solent fontes, ex quibus dictante S. Sancto sacra primo profcaturierunt, dummodo tamen & ipsi quoq; puro decurrant gurgite.

#### XIX.

Imo uero tantum abest, ut in ijs, quæ per se certa, aut ab Ecclesia determinata, aut communi Sanctorum traditione comprobata non sunt, clausis oculis, absq; ullo omnino studio, iudicio, uel inquisitione, multitudinis sensu miti quempiam oporteat: ut etiam eidem interdum refragari, minimè dedecet.

#### XX.

Debet (inquam) qui Theologi non mali nomen sustinere uult, in dubijs, non id semper probare, q. multi unum aliquem, ut fieri nonnunquam solet, sine iudicio secuti docuere, sed loca cum locis, præcedentia cum sequentibus, exempla cum exemplaribus, æditiones cū æditionibus, interpretationes deniq; cum interpretationibus diligenter conferre: ac tum demum, quod ad auctoris mentem, ac sententiam, quàm proximè accedere uidetur in medium proferre: siue id cum multitudinis interpretatione consentiat, siue ab eadem dissentiat.

#### XXI.

Quæ hæcenus de literalis sensu determinata sunt, manifestè probant, nullum extare Scripturæ locum, qui non aliquem saltem literæ sensum recipiat: siquidem figuratè dicta remota, & translata: cætera propinqua, & propria uocum notatione literalem sensum constituunt.

Sed



## XXII.

Sed et alia quoque ratione doceri id potest: nam qui scribit, uel loquitur, aut uerbis, quibus utitur, illud, quod significatum uult, exprimit, aut secus: si exprimit, id ergo quod expressit, erit sensus literalis: sin autem id non exprimit, scribendo igitur, uel loquendo operam ludit.

## XXIII.

Exprimit, inquis, sed interim non ex proxima, et propria uerborum significatione, id nos uult colligere, sed a rerum similitudine, et ueritate, quas uerba significant. Sit itaque ex huiusmodi itaque non planus, sed parabolicus, aut allegoricus sensus conserget. Verum aut horum, non ad mysticum, sed ad literalem sensum spectat. Quod si neges, uel inuitus concedas oportet, multa scripsisse Phocilide, Ciceronem, et alios profanos scriptores, que nullum literalem sensum admittant, cum tamen, (ut minime paucorum est sententia) hic sensus ab eorum scriptis nullo modo abesse queat: ut qui uel solus isthic locum habeat.

## XXIII.

Verum sit ne hoc uniuerse, et absolute uerum, id, ubi de spiritali sensu dissetur, planius indicabitur: nunc hoc tantum monito non deesse, qui in moralium Philosophorum apologetis, geminum sensum admitti posse contendunt: non quidem unum literalem, et alterum spiritalem: sed unum literalem, et alterum moralem. Nam et si (inquiunt illi) qui Apologum, aut fabulam proponit, uerbis, quibus utitur, aliud proxime significare non uelit, quam quod ficta illa narratione commemorat, uult tamen ut ex facto ima-

ginario, uerbis illis comprehenso, colligamus quicquid,  
quod ad mores componendos iuuat.

XXV.

Sed ut profana, ueraque pietatis præceptionibus, uacua,  
profanis dimittamus, certe qui in sacris uoluminibus al-  
terum duntaxat admittendum contenderet, is non solum ab  
unanimi, perpetuaque Sanctorum patrum consensione, atque  
traditione, totiusque Ecclesie, in explicandis sacris literis,  
consuetudine exorbitaret, uerum etiam doctrine Apostolicæ reclamaret aperte. Docet enim illa non uno in lo-  
co, pluraque, quæ in lege Mosaica contingebant, umbram  
quandam, et typum futurorum gessisse.

XXVI.

Quid? quod non illi solum fidei, et periculo se errent, qui  
nullum alium, præter literalem, in Sacris literis agnoscunt sen-  
sum, uerum illi etiam, qui in plerisque Scripturæ locis, sensu  
literali aperto, perinde ac si falsus, uel à suscepto negotio  
alienus sit, repudiato, nouos quosdam, ac inuitatos nobis  
obtrudunt?

XXVII.

Quorum namque attinet cum Origine, et alijs quibus-  
dam, quæ de Eux formatione, de Paradiso terrestri, de  
quatuor fluminibus inde progrediuntibus, de dierum inter-  
uallo, de quibus plerisque alijs, quæ primis illis Genesios capiti-  
bus, de mundi nascētis exordio exponuntur, ad nescio quos  
sensuum <sup>matutinos</sup> <sup>modos</sup> uel pertinasque, ac matutinas celestium  
mentium notitias in solidum, detorquere?

XXVIII.

Ad spiritalem porro sensum, quod attinet, is non ex  
propria

propria, aut translatis uerborum significatione, sed ex rerum, quas uerba demonstrant notatione, ac similitudine duci debet.

### XXIX.

*Mysticum sensum Bedas, et qui illi sequuntur, in typicum, tropologicum, et anagogicum partiuntur: D. Augustinus mysticos omnes, uno allegoriæ nomine ubique exprimit. Hugo Victorinus, misso typico, allegorico tropologicum adiungit: Nobis Bedæ distributio, ut primis uirtutibus cognator, et in Patrum Scholis receptior, magis probatur.*

### XXX.

*Sensus mysticus, non unus semper, ex uno loco ducitur, sed uariis nonnumquam, et multiplex: Non enim ea angustia rerum notatio, et similitudo, unde hic sensus petitur, continetur, ac uerborum significatio, ex qua sensus literalis proxime colligitur. Quamuis et hic quoque ita tenuis non sit, quin geminari interdum queat: alter tamen est fecundior: sepe namque unus idemque locus, aliud typice, aliud tropologice, aliud commonstrat anagogice.*

### XXXI.

*Mysticum hunc, et spiritalem sensum, nisi sensus uocabulo abuti uoles, solæ diuinæ literæ recipiunt, non alterius cuiusvis dicta, uel scripta. Homo enim, postquam uerbis propriè, uel figuratè quiddam expresse, quod alterum, ad quem orationem dirigit, uult intelligere: non habet præterea uim, saltem uniuersè, ut rem, quam uerè gestam narrat, aut si quid aliud est, quod explicat, ad significandum aliud imponat, sed si id uelit, alijs opus est uerbis.*

## XXXII.

Quamvis autem peculiare sit sacris literis, ut præter  
literalem, admittant etiam sensum spiritalem, cumq; mul-  
tiplicem, haud facile tamen in omnibus Scripturæ locis  
utrunq; sensum comperias. In Paulinis enim, et Aposto-  
lorum Canonicis, mysticus rarissime occurrit: Nam quod-  
cumq; illi docere uoluit, id planis explicatisq; uerbis expo-  
nunt.

## XXXIII.

Inter mysticum, et literalem sensum hoc, inter cætera,  
discrimen intercedit, quod hic illo, apud nos sit certior, et  
ad faciendâ fidem efficacior. Mysticus .n. nisi à Christo,  
uel Apostolis, ad quippiam probandû, uel confirmandû  
usurpatus, in literalis naturâ transierit, parum apud nos  
roboris habet. Pendet namq; hic sensus non infrequenter  
ab humana cõiectura, quæ plerumq; fallax est, et incerta.

## XXXIII.

Ex hac sensuum Scripturariorum explicatione, pa-  
lam fit, haud leuiter ab ijs erratum esse, qui apud Aposto-  
lum legentes, literam occidere, spiritum autem uiuifi-  
care, existimarunt occidentis literæ nomine, sensum lite-  
ralem significatum esse, spiritus uero uiuificantis sensum  
mysticum; cum certum sit Apostolum ne per somnium qui-  
dem tale quippiâ cogitasse. Quid enim? an non æque bonus,  
sanctus, uerus, ac certus est literalis sensus, atq; spiritalis?  
an non æque monemur, per sensum literalem, quid agendû,  
quid item uitandû, atq; per sensum spiritalem?

## XXXV.

Dices non sat esse nouisse, quid litera proponat, ut sa-  
lutem

lutem consequare? Sit ita. At idem ego, & de spiritali sensu tibi uicissim obiecerō: Nec. n. pauci, ut credibile sit, ardēt apud inferos, qui mystica Scripturarum sensa callebant probē. Id igitur, quod interius uiuificat, procul dubio non est sensus aliquis scripturarius, sed quiddam occultum mentibus insidens.

XXXVI.

Vnderēctus per Spiritum uiuificantē, gratiam Dei per Euangelii nobis cōmunicatam; per literam uero, nuda legis praecepta accipimus. Sed nec aliud accipi litera apostolica contextus sinit, ait enim: Epistola nostra uos estis, scripta non atramento, sed spiritu Dei uiui: non in tabulis lapideis, sed in tabulis cordis carnalibus. Hac sanē alio, quā ad Diuinæ gratiæ infusionem legitimē referri non possunt.

XXXVII.

Sed quoniam arrogantior uideri poterat Apostolus, quod tam excellentiū Epistolarum ministerium sibi concretum asseueraret, rem odiosam mitigans, aliunde eam faucileatem sibi obuēnisse exponit, subdit enim: Sufficiētia nostra à Deo est, qui idoneos ministros nos fecit Noui testamenti, non litera, sed spiritus.

XXXVIII.

Hoc autem spiritus ministerium ueteris legis Doctores, ut huiusmodi, non habebant, sed tantum alterum illud, quod litera appellatur. Nec enim illi docendo, aut exhortando Christum, unde omnis spiritalis gratia bauritur, ex instituto, & serio inculcabant, sed minis, ut plurimum, & terroribus legis executionē, & obseruationem urgebant.

B 3 XXXIX.

### XXXIX.

Quod si qui in illo calamitoso sæculo comperiebantur, qui in Christum per fidem cognitum, spem omnem, atq; fiduciam defixam haberent, ab eoq; uitam, salutem, & omne deniq; bonum expectarent: uel ex cathedris eundem Euangelizarent, eos nos, quatenus hoc ipsum faciebant, ad nouum potius, quàm ad uetus Testamentum pertinuisse assue-ramus: Sed & cæteros quoq; eò lem spectasse, consentaneū est, qui eadem illa ætate, Christi Domini nostri gratia ad salutis portum pertingebant.

### XL.

At uerò Noui testamenti minister, si tamen uerè id est, quod audit, unum hoc agit, ut auditor propria imbecillitate agnita, suis quidem uiribus omnino diffidat, Christi uerò Dei, ac Domini nostri potentie, ac misericordie confidat ualide, eidemq; uni, sese totum, quantus est, permittat intrepidè. Quod si is, ut par est, benè monenti morem gesserit, tum demum Christi Epistola, non atramento, sed spiritu Dei uiui descripta, efficitur: eoq; paulatim progreditur, ut iam non pœne formidine, sed uirtutis studio, ac amore, legis mandatū expleat. Atq; huc Scholæ Patres tendunt, dum nouum Testamentum interius hominem inuare, tradunt, uetus uerò exterius tantum.

### XLI.

Manet ergo in causa spiritum uiuificantem non esse mysticum Scripturarū sensum: Rursum ministrorū Euangelicorum munus nō esse nuda uitæ documenta, ad formandos auditorum mores, proponere: Nam hoc etiam ueteris legis

*legis ministri præstabant: sed administrare spiritum, hoc est, eiusmodi suggerere, per quæ Christi spiritus hauriatur, uel iam ante hauritus augeatur. Spirituum datori sit bonos, laus, & gloria in perpetuas æternitates.*


A M E N.

Sub præsidio Theodori Peltani, Doctoris Theologi, pro impetrandæ, in SS. Theologia Licentiæ, defendit M. Georgius Schorichius, eiusdem sacræ Theologiæ Baccalaureus formatus, & Concionator Ducalis &c.


#### IMPERTINENTES.

- I. Vna est Sancta, Catholica, & Apostolica Ecclesia, extra cuius fidem, & obedientiam nulla est salus.
- II. Septem sunt verè, & propriè nouæ legis Sacramenta, ad communem humani generis salutem, à Iesu Christo Domino nostro instituta.
- III. Sacrosancta Eucharistia nō est Sacramentum solum, sed etiam verum, proprium, & propitiatorij Sacrificium.
- IIII. Certa ac indubitata fide tenendum est, Purgatorium esse, animasq; ibidem detentas, fidelium suffragijs iuari.
- V. Pari constantia credendum est, Sanctos vnâ cum Christo regnantes, venerandos, & inuocandos, debitumq; sacris eorū reliquijs, atq; iconibus cultum deferendum esse.


LAVS DEO.














\_\_\_\_\_



